

228560



卷〇三七九 崔字

卷〇二七〇 崔字


卷〇二七一 崔字

卷〇二七二 崔字



永樂大典

三三三



永樂大典卷之二千七百四十一 八庚

崔

崔台符

宋史列傳。台符字平叔。蒲陰人。中明法科。爲大理詳斷官。校試殿帷。仁宗賜以畫美二字。熙寧中。文彥博薦爲群牧

判官。除河北監牧使。入判大理寺。初。王安石定按問欲舉法。舉朝以爲非。台符獨舉手加額曰。數百年誤用刑名。今乃得正。安石喜其附已。故用之。歷知審刑院判少府監。後置大理獄。拜右諫議大夫。爲大理卿。時中官石得一以皇城偵邏爲獄。台符與少卿楊汲報迎伺其意。所在以鍛鍊管掠成之。都人恟栗。至不敢偶語。數年間。廢文法者且萬人。官制行。遷刑部侍郎官至光祿大夫。元祐初。御史林旦上官均發其息。出知潞州。又貶秩徙相州。後兼監牧使。卒。年六十四。舊制。武臣至內殿。崇班始蔭其族。台符言。文吏州判司猶許用蔭。武臣五歲一遷。自借職四十年。乃得通朝籍。輕重不相準。請自供奉官即用蔭。從之。嘗使遼。至其朝。久立帳前。饋者不贊。遣問其故。曰。天子未至。台符請之曰。安有君父臨軒。而臣子偃蹇不至。久立

仗者禮乎。儻者懼。贊導如儀。

崔與之

宋史列傳。與之字正子。廣州人。父世明。困場屋。每日人不

少卓犖有奇節。不達數千里游太學。登紹熙癸丑進士第。廣之士由太學取科第自與之始。授濟州法曹。常平倉久弗葺。慮米爲雨損。撤居廨。凡蓋之。郡守欲移亢常平之積。堅不可守。敬伏而薦之。調淮南提刑。司檢法官。民有窘於豪民逋負。毆死其子。誣之者。其長欲派之。與之曰。小民一時計出無聊。忍使一家轉徙。況改穀子孫罪止徙。卒從之。知建昌之新城。歲遭大歉。有強發民康者。執其首折手足以徇。盜爲止。勸分有法。貧富安之。聞移用兵。軍旅所需。天下騷然。與之獨實以條省錢。吏告月解不登。曰。寧罷去和糴。今下與之。獨時價糴。今民自樂。通判邕州。守武人苛刻。來賜不時給。諸卒大鬧。漕司檄與之攝守。叛者帖然。乃亟訪其首事一人斬之。閩郡以寧。權守廣陽郡。政清簡。未踰年。徙點廣西刑獄。徧歷所部。至浮海巡米崖。秋毫無擾。州縣而停車載決。獎廉勸貪。風米凜然。米產地產苦釐。民或取其葉以代義。州郡征之。歲五百緡。壞人以吉貝織爲衣衾。工作婦人官

役有至一年者。并種遠老。民尤苦之。與之皆為榜免。其他利病罷行甚衆。獲之人次其事。為海上登清錄。嶺海去天遠。刑獄慘毒。用及鼓鼙。賊尺鹿蹄木提之類。惟科差役。有領長卷。用印到限。銷鈔請憑。由等錢之號。至官吏下鄉。排門對鈔。則弊尤甚。皆疏其條目中。諭而痛懲之。高准月嘗錢之。號嶺海使民榜。廣右僻縣多右選。捕事類食類。與之請援。廣東循諸邑。減舉負賞格。以勸選人。庶寧免役之法。獨不及海外四州。民破家相望。與之議舉行未果。以語類錢。賊守瓊遂行之。召除全部郎官。時郎官多養資。望不省事。與之鉅細必親。省決吏為欺者必杖之。莫不震栗。全虜固於難遣。汴京朝議疑其為迫迫。還帥淮東。寧宗宣引入內親遣之。奏還守將集民兵為邊防第一事。既至浚濠。廣十有二丈。深二丈。西城濠勢低。因疏塘水以限戎馬。開月河置釣橋。州城與堡寨城不相屬。舊築夾土地往來。為易以覽。固滁陽山林之阻。創五寨結忠義民兵。虜犯淮兩沿邊之民得附山自固。虜亦疑改伏。自是不敢深入。雄揚兵久不練。分強勇鎮淮西軍。月以三八月習馬射。令所部兵皆倣行之。淮民多蓄馬善射。欲依萬弩手法。創萬馬社。募民為之。時相不果行。浙東饑。流民過淮。與之開門撫納。所活萬餘。楚州工役繁。士卒苦之。叛入射陽湖。亡命多從之者。與之給旗帖招。

之。衆聞呼皆至。首謀者獨遁。疑不前。擒戮之。分其餘隸諸軍。山東尋全以衆來歸。與之移書時。猶謂自昔召外兵以集事者。必有後憂。時相欲圍遼。功。諸將皆有怵倖心。都統劉瑋承家劉取泗州。兵渡淮。而後牒報瑋全軍覆沒。與之憂憤。馳書時。相言與之。來郭五年。士卒之勇悍者。愛惜如子。今以萬餘士卒之命。壞於一夫之手。敢將乘勝襲我。未幾虜入寇。時相疊三書。俾議和。與之答謂彼方得勢而我與之和。必遭屈辱。今山寨相望。遠民米麥已盡。輸歲野無可掠。諸軍與山寨併力。勤運勢必不能久駐。況東海漣水已爲我有。山東歸順之徒已爲我用。一旦議和。則漣海二邑若爲匪處。山寨諸酋若爲措置。望別選通才以任和議。與之自劉瑋敗。亟脩守戰備。遣精銳布要害。虜深入無功。而和議亦寢。時議欲不除江淮割置。要兩淮帥臣互相爲援。與之啓廟堂曰。兩淮分任其責。而無制閫總其權。則東淮有警。而仲果能電馳往救乎。西淮有警。東仲果能電馳往救乎。制閫備礮兩淮。持一水之隔。文移往來。朝發夕至。無制閫則事事中稟朝廷。必稽緩誤事。議遂寢。召除秘書少監。軍民追道垂涕。與之力辭。召令竟歸。將度嶺。起召不已。四次池口。已聞虜虜寇邊。乃遣朝奏。今邊聲可慮者。非一。惟山東忠義區處。要不容緩。前後屢疏數千言。每歎養虎將自遺患。未幾成

都帥董居誼以黠貨爲叛。平所逐總領楊九鼎遇害。蜀大擾。與之以選除
工部侍郎。帥成都。至卽帖然。時安丙握蜀重兵久。每忌蜀帥之自東南來
者。至是獨推誠相與。安丙薨。詔盡護蜀之師。聞誠布公。兼用吳蜀人士之
望。附循戰士。人心悅服。先是。軍政不立。或帥多不協。和戎寅之春。劉昌祖
在面。和王大才在沔州。大才之兵屢勦昌祖不款。遂棄皂郊。已卯之春。吳
政也。鳳州。張威也。西和。虜自白運等突入黑谷。威不尾襲而迂路。由七方
關上青野原。虜遂入鳳州。與之成以同心體國之大義。於是戎帥協和。而
軍政始立。先是。安丙嘗納鞋履合從之請。會師攻秦鞏。而鞋履不至。我師
遂有皂郊之敗。與之至是。飭邊將不得輕納。踰年。鞋履復攻金虜。俄遣百
騎入鳳州。遂守將求援兵。與之使都統李冲諭之曰。通問當遣介持書。不
當遣兵徑入。若邊民不相悉。或有相傷。而大兩國之好。宜歛兵退也。鞋履
知不可動。不復有請。先是。金虜爲鞋履所困。征調苛峻。民不聊生。率衆歸
順者所在而有。或疑不敢納。與之優加爵賞以來之。未幾。金虜萬戶呼延
械等扣洋州求歸。與之察其誠。納之。藉其兵千餘人。皆精悍善戰。虜自是
不敢窺。興元既鎮。榜邊關。開諭招納。虜保得之。自是上下相疑。多所屠戮。
人無固志。以至於亡。蜀盛時。四戎司馬萬五千有奇。開禧後。安丙裁去三

之一嘉定損耗過半。比與之至。馬僅五千。與之移檄茶馬司許戎司自於
關外收市如舊。嚴私商之禁。給細茶增馬價。使毋爲金虜所截。總司之給
料不足者。亦移檄增給之。而馬政舉矣。乞移大帥於興元。雖不果行。而凡
關外林木。厚加封殖。以防虜騎衝突。隔茅關。盤車嶺。皆極邊荒天險。固厚
間探者資。使嘗覘虜動息。悉知其邊防密矣。總計告還。首擢成都府等錢
一百五十萬緡助雜本。又慮關外歲雜不多。運米三十萬石積沔州倉。以
備不測。初至府庫錢僅萬餘。其後至千餘萬。金帛稱是。而軍儲充矣。蜀知
名士無不薦進。間有名浮於實。用過其才者。亦歷歷言之。沔帥趙彥呐方有
時名。與之獨察其大言亡實。他日誤事者必此人。移書廟堂。欲因其乞祠
而從之。不可付以邊藩之寄。後果如其言。與之以疾丐歸。朝廷以鄭損代。
既受代。虜謀知之。大入。與之再爲臨邊。虜乃退。除禮部尚書。不拜。使道歸
廣。蜀人思之。肖其像於成都仙遊閣。以配張忠定趙清獻名三賢祠。理
宗即位。除帥長沙。辭。除江西。辭。既視政。除吏部尚書。親掖宸翰以起之。皆
力辭。金亡。朝廷議取三京。聞之。頓足浩歎。繼而予祠。亦辭。俄除廣東。經畧
使兼知廣州。先是廣州權鋒軍。連戍建康。留四年。比撤戍歸。未踰嶺。就留
戍江西。又四年。東西轉戰。所向皆捷。而上功幕府不報。未撤戍。又不報。遂

相率倡亂。縱火惠陽郡長驅至廣州城。聲言欲得連帥。自舉爲甘心馬。與之家居。肩輿登城。歿兵望之。俯伏聽命。遂以逆順禍福。其徒皆釋甲。而首謀數人。懼事定。獨交禍。遂率之遁去。入古端州。以自固。至是與之聞除命。並拜。即家治事。屬提刑彭鉉討捕。皆移家運人。無知者。俄而所調諸軍畢集。賊敗請降。桀然不悅者幾之。其餘分隸諸州。上於是注想彌切。拜參知政事。拜右丞相。皆力辭。訪以政事之孰當罷行。人才之孰當用捨。與之力疾奏。天生人才。自足以供一代之用。惟辨其君子小人而已。忠實而有才者上也。才雖不高而忠實有守者次也。用人之道。毋越於此。蓋忠實之才。謂有德而有才者也。若以君子爲無才。必欲求其才者用之。意謂或差名實無別。君子小人消長之勢。基於此矣。陛下厲精更始。推用老成。然以正人爲迂闊而疑其難以集事。以忠言爲矯激而疑其近於好名。任之不專。信之不篤。或謂世數將衰。則人才先以凋謝。如真德秀共咨蔓魏了翁方此柄用。相繼逝去。天意固不可曉。至於敢諫之臣。忠於爲國。言未脫口。身遂隨之。一去而不可復留。人才豈易得而輕棄如此。陛下悟已往而圖方來。昨以直言去位者。亟加峻擢。補外者早與召還。使天下明知陛下非疎遠正人。非厭惡忠言。一轉移力耳。陛下收攬大權。悉歸獨斷。

謂之獨斷者。必是非利害。胥中卓然有定見。而後獨斷以行之。似聞獨斷以來。朝廷之事體愈輕。宰相連擬多沮。孤不行。或除命中出而宰相不與知。立政造命之原。失其要矣。夫抵獨斷當以養聽爲先。使不兼聽而斷。其勢必至於偏聽。實爲亂階。威令雖行於上。而權柄潛移於下矣。又曰。昨和仗在黃岡。而賊兵之犯淮。犯蜀。自若。今邊臣主和。朝廷雖知而未嘗明有施行。憂邊之士剴切而言。一鳴輒斥。得非朝廷亦陰主之乎。假使和而可保。亦當議而行之可也。又曰。比年以來。愛故層出。不知其幾矣。狄之禁禁。盜賊之跳梁。雷雹之震驚。星辰之乖異。皆非小故。至如京城燬墟之厄。七年而兩見。豈數萬戶生靈。皆獲罪於天者。百姓有過。在乎一人。此陛下所當深察。惟有求直言。可以裨助名德。感格天心。又曰。南陽近屬秦府舊僚戚畹。表裏之親。以至凡有絲髮責緣者。孰不乘間伺隙。以求其所大欲。近習之臣。朝夕在側。易於親昵。而難於防閑。司馬光謂內臣不可令具米訪外事。及問以羣臣能否。蓋干預之門。自此始也。若謂其所言出於無心。豈知愛惡之私。此固而入。其於聖德。寧無玷乎。上覽奏嘉歎。起召愈力。控辭至十有三疏。嘉熙三年七月。乃得致其事。夙慕韓魏公寒花晚節之詩。自號曰菊坡。家居職名祠。康米邑之入。月纔受數十千。自領鄉都。成史畝。

得復給凡俸餘皆以均親黨。嘉熙己亥十月一日丁丑薨。壽八十有二。遺
戒不得作佛事。墓增城縣古華山。謚清獻。史臣褒擬贊曰。與之守淮帥
蜀。忠而有謀。使用之盡其才。遠鄙晏然。坐銷敵患於無形可也。嘉定權臣
乃也使懦帥代之。將端平雖不起。變事已有可憂者矣。況以貪庸而挑
之乎。歸老五羊。力辭丞相印不拜。與之嘿察世變。久已瞭然。曾次開。世皆
高之。而不知與之之心。非得已也。吁。元一統廣州路志與之字正子。廣州
增城人。補入太學。紹熙四年登進士第。自小官至官達。以清白自持。嘉定
中。由祕書監出知揚州。治最上。聞有趙氏子。滿聚劫掠。與之捕至。趙氏子
曰。我宗室也。不可加害。與之厲聲曰。我非勘宗室。乃勘殺人賊。獄具。遂誅
之。一方肅然。四川宣撫使安丙卒于漢中。命與之入蜀。為安撫使。制置使
威忠兼濟。民悅兵服。全蜀人才多出其門。如游似一見期以宰相。又用某
人為侍從。某人為卿監。某人為師。蜀服後。米如登載。召為禮部尚書。其德
秀在經筵。嘗告理宗曰。崔與之南歸。不持蜀中一物。惟滿載皆書帙而已。
蜀人思與之善政。甚於旅詠。趙抃為立三賢堂。祠事惟謹。除參知政事。至
拜右丞。相皆不就。嘉熙三年卒于家。贈少師。謚清獻。與之在鄉。杜門讀書。
不接世務。中國山賊作亂。起帥鄉部。連事十即上印。還然如一寒素。有叔

犯法。憲司將奏。或拔屬告與之。致曲。與之不答。遂聞具衆款。與之遣盤飧。餽叔以代面諫。有司廉知之。乃曰。菊坡之親也。可以法坐之乎。遂從末減。君子以是服與之。善於慶世。廣州南海志。正子增城人。家苦貧。力學。自奮。先是。廣士有當試成均者。率憚遠不行。公毅然勇往。既中選。朝夕肄業。足跡未嘗至塵市。禮部奏名。展策極言官闕。皆人所難言。擢乙科。廣人由壁流取第者。自公始。虛海州司法。淮西檢法官。皆有守法持正之譽。改秩。守建昌新城。素號難治。公始至。歲適大歉。民有強發廩者。公折其手足以徇。因請自劾。守大異之。開禧用兵。軍需苛急。公悉以縣帑收市。一毫不取於民。和雅令下。公依時直躬自交。受令民自聚。不擾而辦。爲諸邑最。趙潛使希澤命諸邑視以爲法。且持薦于朝。他司相繼譴薦。時相欲留中。公不就。校通判。邕州。薦者咸以爲訝。挽公使留。公不可。諸公中其請。有旨與在內。陞推差遣。公抗章控避。乞俟秋滿而後受。從之。邕守武人性苛刻。遇某卒無狀。相率爲亂。公時攝守賓陽。聞變。亟歸。救者將擁門拒之。公疾馳以入。執首亂者戮之。縱其徒不問。閩郡帖然。推守賓陽。徙熙寧。廣西刑獄。甫建臺。偏座所部二十五州。大半皆荒寂之地。米崖隔在海外。異時未嘗識使者。威儀。公至。父老駭異。諸郡縣供帳之類。一切不受。兵吏不給券。勢將錢自

隨計日給之。停車決遠。無頃刻暇。獎廉初貪多所判舉風米震動。召除金部。屬金虜南奔。邊聲震恐。淮東客通故汴。朝廷謀帥難其人。除公直寶謨閣知揚州。安撫淮東。公言邊釁已開。相持六年。所措置大抵虛文從事。宜擇守將。集民兵以固根本。五年以秘書監召。會典元倡亂。害總計。遂制臣。除公工部侍郎。尋加煥章閣待制。知成都府。奉詔安撫使。公言寶邊斯可安邊。益州為四路心腹。惟恃錢穀厚於他郡。軍興帑度告匱。宜厚儲積。以壯邊陲。拜疏即行。初安丙撤西夏。攻金虜不克。虜乘盛數盜邊。蜀大擾。丙薨。公使宜度劾以鎮關表。除公制置使。盡護四蜀之師。西北二國。合從攻鳳翔。叩鳳州借糧於我。公條畫事宜。密授諸將。隨宜酬答。勝務諭陝西五路遺黎。俾築鵠自固。倚我軍為聲援。建言成都難瀕險遠。艱於漕運。立為運米賞格。奏行之。自是兵皆足食。蜀賴以全。五年。召歸。除禮部尚書。公輕舟出峽。徑歸五年。自是不復出矣。築室所居之西偏。扁菊坡。刻韓魏公老圃秋容淡。寒花晚節香之句於門塾。蓋雅志也。公之門無雜客。連帥部使者時候其門。歲僅一再見。未嘗一問外事。端平乙未二月。擢銓。既兵。自忠陽擁衆扣州城。郡守曹治鳳宵遁。官史辟造里第。請公登城。公肩輿至開諭禍福。又遣門人李邦英。楊汪中。馳城親諭之。其徒俯伏聽命。咸欲

祥甲以歸。而倡謀者惡甚。以嘗害將羅令懼不免。相率遁去。入據古端州。以自固。俄有旨休舊端明殿學士。廣東經畧安撫使兼知廣州。公即家治事。區處條畫。揣摩調度。洞中事機。召兵四集。賊一戰不支。聚於苦竹嶺。窮蹙乞降。公命分隸降卒於諸軍。而戮其桀黠者。俄拜參知政事。公辭不受。踰年拜右丞。上遣中使促召。命守帥彭鉉勸請。又命郎官李昂英銜命而至。逃辭九十三疏。上知公志不可回。詔即家條上時政。公手疏數萬言。上皆欣納。家藏御札七通。有文集若干卷。其文明白謹嚴。家大商書其端曰。東海北海天下老。亦有盡歸西伯時。自麻不能起南海。千載一人非公誰。公善知人。生平薦引。惟將似洪咨夔。林峯。魏了翁。李性傳。程公許。後皆爲公輔。寧度劾閹留題云。滿閣清臬白石。怪我舊盟寒。里人米其語。立公生祠於其地。及薨。贈太師諡清獻。初公持節廣右。見於施行者。雖楊倅高惟月。錢梓司。崔公嶺。海使民榜。朱崖之人。又編次其能行。援民之政目。崔公海上澄清錄。在蜀時。人繪公像於仙遊閣。與張忠定詠趙清獻打五桐。號爲三賢。淳祐甲辰。廣帥方大琮祠公與張文獻九齡于學。號爲二獻。咸淳癸酉。經畧劉應龍入祠公于西城之高桂坊。今縣學即其地也。成都大統志嘉定中。自楊州移知成都府。充四川制置使。清介立身。人謂有文。

武威風。識大體。自趙汝愚後。才再見耳。寬賦征賦。篤志爲民。前此制帥於成都土貢之外。盡取以奉宰相文儒達典之目。民力重困矣。訖不與備達末如之何。羅欽四蜀才名之士。其後多爲名宰輔。然謂與之知人。久之召爲禮部尚書。歸舟所載惟圖書。他無有也。

崔敦禮

金陵新志。敦禮與弟敦詩。本通州靜海人。同登紹興庚辰第。愛溧陽山水。買田築居。池上有讀書堂。扁曰雙桂敦禮

字仲由。歷江寧尉。平江府教授。江東撫幹諸王官大小學教授。敦詩字大雅。性端厚。議論疎通。知大體。博覽強記。錄祕書省正字。除翰林權直崇政殿說書。推給事中。家難。服闋。除樞密編脩官。著作郎。權吏部郎官。又兼崇政說書。進國子司業。直學士院。拜中書舍人。加侍講直學士院。卒。贈中大夫。除吏部架閣謝左撥啓。開洪鈞而播物。執不依歸。陳末藝以求知。誤膺收錄。竊惟人物臧否之辨。在乎大臣選擇之間。洋洋動心。我然纓冠。威頓攀躋於梯級。藝者必庸。善者必錄。蓋將羅絡於英材。俱收並蓄而待用無遺。校短量長。而惟器是通。如敦禮者。未思習短汙漫材疎。惟貧且賤。無所用其能。惟蒙且拙。無所或其志。故常沈潛乎章句之習。沉潛乎經傳之辭。補苴罅漏。而學欲得其金。照毫曄燁。而文欲窮其妙。一命塵埃之域。

三年警捕之勞。嘆俗狀之可憐。耻前功之頽廢。因卽六朝之都會。歷稽千古之興衰。心術彈於廣記之餘。精神耗於多思之際。原原本本。庶幾求至當之跡。是是非非。亦足爲名教之助。幸逢賢德之在上位。將收智慮以成茂功。豈伊臧荅之微。自棄鈞陶之外。儒服不用。他藝獨推。文字之知。未嘗而求京師。人或興過閭之誚。敢期造化。曲賜甄拔。職隸省曹。是欲少階其後用。近臨天日。使其易見於寸長。荷德若斯。捫心知幸。茲蓋恭遇某官高明而博厚。敬義而直方。素所仰慕。因許已卑。慶之列。若時經畫。必致君光舜之隆。舉人材之進退。而納之於至公。排天下之好惡。而致之於不欺。判黑白於冰鑑。蓄輕重於權衡。乃如散之文。亦被生成之賜。敢禮敢不愈。堅素履。益勵操修。三公盡知音之人。誠爲幸會。乎虛動凌雲之志。尚冀提撕。琴川志世家。靜海晚。僞寓常熟。登紹興三十年進士第。主揚州高郵簿。兩浙運判。除祕書省正字。繼兼翰林權直。早有文名。所爲制詞。溫潤詳雅。兼崇政殿說書。權直事中。遭內外艱。時翰林學士周必大乞補外。壽皇中批問史部尚書。牌无吉。曰。在。某今安在。无吉。乃其言之。既召見。除樞密院編修官。復爲權直。既拜命。卽言翰林權直爲名未正。卽史爲學士院權直。遷著作郎。兼權史部郎官。又兼崇政殿說書。進國子司業。改權直學士院。拜

中書舍人。加侍講直學士院。教詩賦性端厚。議論疏通。知大體。自直宿遞講。遇引對。所陳必剴切。至造膝密啓。有家人不得現其業者。上深所器許。九年夏。以疾卒。年僅四十有四。贈中大夫。有文集三十卷。內外制藁二十卷。奏議總要五卷。通鑑要覽六十卷。制海十編。監韻五編。南潤韓尚書元吉誌其墓。經筵撤章轉官辭免。別恩雖甚厚。義有難安。輒忘冒犯於威嚴。須至濕陳於悃悃。伏念臣等。各膺誤眷。並列華塗。當上聖清光莫望之時。豈下臣淺學可施之日。曾靡淹於歲月。適忝徵於篇章。使有光榮。迄無裨益。瞻衣願之和悅。被天語之褒嘉。僕僕拜登。既叨命錫。叨叨和樂。仍沐燕慈。已厭足於深仁。敢過希於茂渥。忽傳出命。側俾退階。雖他賜之已承。獨此心之是歎。竊稽聖代。著獎儒臣。咸平誦尚。誤於某園。元豐講無選於青監。雖辱恭禮。但加服章。越推異恩。實始近比。辭莫獲命。漸猶在顏。儻史溢於寵靈。殆真成於冒沒。上累朝廷慶賞之柄。下傷縉紳廉恥之風。伏望推廣大明。監觀小志。即收還於前令。庶厭塞於公言。辭免兼侍講兼直學士院。別右。臣今月二十三日。準尚書省劄子。九月二十三日。同奉聖旨。崔某兼侍講兼直學士院。聞命震驚。固知所措。臣竊惟祖宗重惜經筵。始置說書。以侍資淺者。遂以歲時方陞天章閣侍講。又又方除侍

講于時首選則賈昌朝是也。臣又惟國家崇重翰林。未至學士。皆命兼權直院。間有侍郎尚書。亦帶兼權者。至於中書舍人。亦有兼權直院。其在近北。則王綸是也。臣誤蒙親擢。伴站提班。恩寵非常。震悸未定。今又疊頒宸旨。優進華塗。揣分量材。實惟忝冒。不皇寧處。須此控陳。伏望睿慈。洞照愚衷。併收成命。庶幾內安微量。外聽師言。所有恩命。臣未敢祇受。謹錄奏聞。伏候勅旨。韓九吉。南開文集。中書舍人兼侍講兼直學士院。崔公基。誌銘。上乾道九年。恩得文學之臣。以視草司詔令。惟翰林學士。品秩甚崇。雖或假攝。亦必侍從。將擇庶僚之俊異者。高職玉堂。以作古貽後世。於是詔左宣教郎秘書省正字崔公執詩首為翰林權直。公通州靖海人也。少年中進士科。早有文名。用薦者入館閣。所為制詞一出。溫潤詳雅。明白有體。要衆以驚嘆。兼崇政殿託書。兼權給事中。而公以封敕之重。資望未稱。辭馬。上益嘉重其名。明年十二月。以父憂去任。未除喪。復遭內艱。淳熙之五年也。翰林學士。今知樞密院。周公子充。屢請補外。上以謂難其人。一日中批以問。萬嘗薦公。吏部尚書韓某曰。崔某今安在。然後知公之蘇未忘。且復用矣。某固具言公連有家難。適外除。陛下用之。此其時也。既召見。則言固家治否。係公論廢興。公論者衆心所在。理之當然。乃天道也。願明詔大臣。